

damno & interesse non appareat, probari potest per juramentum in litem contra incendiarium. Farinac. d. qv. 110. num. 13. fol. 636. Plenissime de incendio culposo egit Berlich. d. concl. à n. 15. usq; ad finem. fol. 161. & seqq. Carpz. part. 1. qv. 39. n. 40. & seqq. fol. 288. & seqq. Crimin.

## ARTICULUS CXXVI.

*Pœna grassatorum.*

**Straffe der Räuber.**

**I**n jeder böshafftiger/überwundener Räuber/soll nach Vermög un-  
ser Vorfahren / und unser gemeiner Käyserl. Rechten / mit dem  
Schwerdt/oder/wie an jedem Ort in diesen Fällen mit guter Gewohnheit  
herkommen ist/doch am Leben gestrafft werden.

*AD ARTIC. CXXVI.*

## ARGUMENTUM.

*Malitiosus grassator de crimine isto convictus juxta Sanctiones Majorum, & jura Cesarea gladio. vel etiam secundum cujusq; loci consuetudinem consuetâ, mortis tamen pœnâ affici debet.*

## EXEGESIS.

I.

**M**agnum est discrimen inter latronem & grassatorem. Nam *Latro* ille potissimum dicitur, qui cum homicidio prædas agit; Unde latrocinium potius homicidium est, quam deprædationem, & licet illud delictum sibi adjunctam habeat deprædationem, attamen absque interfectione eorum, qui spoliantur, non committitur. *Latrocinium* itaque duo delicta includit: (1) *Spoliationem bonorum in viis publicis*, dum scilicet nonnulli hærent in sylvis, dumetis, aut in vallibus, & expectant transeuntes, eosque aggrediuntur, usque omnia, quæ habent, eripiunt. (2) *Interfectionem*, ut præter spolium subinde etiam homines occidantur. *Grassator* autem, qui aliàs dici solet *Robbator*, vel *Robbarius*, est ille, qui in viis quidem publicis furatur, & iter facientibus res, quas secum asportant, eripiunt, sed absque occisione seu interfectione illorum. Quæ distinctio est fundata in l. 28. §. 10. ff. de pœn. Et licet grassator parum videatur differre à latrone, nisi quod homines non interficiat; attamen non leve discrimen inter utrumque cernitur. Interim *Rapina* definitur, quod si contractatio rei alienæ mobilis, dolo malo, adhibita vi, & palam in publicis viis facta. Hahn. ad Wesemb. de vi bonor. raptor. n. 1. f. 467.

In